

甌
北
詩
鈔

阮北軒



甌北詩鈔五言古三

陽湖 趙翼 雲崧

齒痛

少讀昌黎詩笑渠作牛飼我時齒力堅已供老饕念雖
輸編貝工幾可嚼鐵碎連砂爛脫粟帶些決大截舞陽
生斃肩直欲一斲試豈期近年來微罅生櫛比每飯費
剔搔疑有蟹奴寄忽復浮陽蒸旋起腫肉臙一開無根
火熏灼滿口熾含痛魚銜鉤負傷虎帶刺舖糜但軟飽
就枕鮮美睡經旬委頓餘一个忽委地翻因剝膚火快
此敝屣棄其餘皆動搖告別將以次曾聞袁子才留齒

善持議謂齒在其身差不負位置笑或粲然露食必肥
者攻不如輔車依勿遽悻悻避我欲援例請齒也阜自
計百物甫入口惟齒職勞動及大得味時又屬唇舌事
我則任其勤彼則收其利譬如老邊將轉戰心力瘁安
坐享太平廟堂有高位斯理誰能平固難禁其慙姑弗
誘甘言且與講大義附我數十年亦有賓主誼懼汝剛
則折啟口每加意梭恐鄰女投弗敢與之戲拳恐武夫
毆未嘗觸其忌柱齟既謹言穿隙亦表志非象易賄焚
非鼠豈訟累拾有牙慧誇寒木屑亡至相處尙不惡中
路忍乖異辟穀旣乏方覓乳又滋費坐視飯顆瘦寧弗

少留憩齒也始颺然君言甚情摯已落難復存椽之慮
仍墜吾將再生兒俱君養頤嗜

善於語言極才人之能事郁人齒痛一首差可附後塵枚

剛改舊詩作

食筍愛其嫩食蔗愛其老愛嫩則棄枳愛老則棄杪非
人情不常物固難兩好何況詩文境所歷有遲早少時
擅藻麗疵類苦不少老去漸刻除又覺才艷槁安得美
竝存病處又俱掃晚作蔗根肥少作筍尖小

少日所得意老去覺舛陋舊筆擬刪之謂今學始就焉
知今得意不又他日疚詩文無盡境新者輒成舊漫勒
鐵函藏行復齏齏覆笑同古煉師燒丹窮昏晝一火又

一火層層去粗垢及夫燒將成所存僅如豆未知此豆
許果否得長壽

書懷

少賤苦窮餓求官藉饘粥及夫仕宦成又想林下福此
意殊不良未可對幽獨其如才分劣自審久已熟同乎
俗吏爲吾意既不欲異乎俗吏爲吾力又不足是以詘
然止中歲返初服敢援老氏戒謂知足不辱庶附風人
義坎坎歌伐輻

既要作好官又要作好詩勢必難兩遂去官攻又詞僅
僕怨其癖親友笑其癡且勿怨與笑吾自有主持一枝

生花筆滿懷鏤雪思以此溷塵事寧不枉席之何如擁
萬卷日與古人期好官曰有人豈必某在斯

書所見

孔教所到處無不有佛教佛教所到處孔教或不到四
裔獠犵區詎有孔子廟如來觀世音乃皆莊嚴妙何哉
正學炳反輸異端爆豈非福利說易爲愚民告要其俗
雖殊固不外吾道君仁而臣忠父慈而子孝孔書縱不
至光遠則已耀

世儒好闢佛多欲窮其精我但言其粗了然自易明其
教嚴戒殺物命固長成卻絕男女欲不許人類生將使

大千界八滅物滿盈此豈造化理流毒逾秦坑試起廣
長舌將以何說爭

此三黎立論愈粗愈精乃知各理固不在深言也保
奉

午睡

少小讀書論盡寢微昏顏每當午欲睡解以苦茗杯豈
知老而衰漸與睡爲媒飯罷輒交睫兩目撐不開初猶
悉力拒繼乃應候來中有一片甜其味美於回早知有
此樂何嫌朽木材竊疑孔聖人先生欺余哉

游孝女測字養親可

名文園年十七
以測字養親

相字古未聞相傳始唐宋玉局崔道士北千止剽奪宜
和謝潤大聲名徹禁閨御書朝字來知十月十日問宜

得諸字謂本全言貢問孕得也字謂腹有蛇疾迨乎南
渡後專家益輩出土加畫爲王杭移點成木權相書退
字日與人甚密知其糾結深至老不罷黜權闢書囚字
國內大人一其如四無依懸縊兆可必斯皆擅絕技巧
中百不失至今江湖間往往習其術大抵游食徒輩下
同一律何哉游氏女亦復矜弄筆設案闌闌中風吹而
如漆波磔或拆離偏旁或配匹卜者信手拈輒爲判凶
吉問女年幾何何不處在室有嫗坐其旁一一爲縷述
幼小讀詩書今年十有七親老鮮兄弟藉此養衰疾街
頭字一个堂上米一溢嗟哉女何賢曾閱出山櫛豈惟

夙慧深托業良可卹揚州銷金窩動擲千萬鎰厨有臭
酒肉途有墜鈿舄何不涓滴分憫此嬋媛實免使傍路
塵含羞對鷓鴣我欲竟此詔或已笑迂濶

原原本本無
字苟作保泰

老境

天生人官骸一器具一用惟此肩髮鬚無知覺運動既
一無所能偏能將老送時時來嚇人勾引冰霜凍又居
最高處黑白見者衆此豈不可憎化工何必種我欲盡
髮之拚得一夕痛無今纔掃除重生又如葯

少聞柳下惠能坐懷不亂私心竊疑之謂耕在旁看柳
下白言耶真偽未可判女出告人耶亦難作定案安知

非欺人外托秉燭旦今我老境來始信語非譫從前如
風懷久作春冰渙卽令伴橫陳味已嚼蠟換然則易事
耳何妨夕見粲以我蒲柳衰證彼葛藤斷老夫與古賢
可同號鐵漢

快論獨闕于古州

故人

故人多膺仕快若凌風舸建牙乘朱轡曳履躡青瑣門
列榮戟森家擁金玉瑳偶念及腐儒知其掩關坐或憐
范叔寒遙贈綈袍裏或笑杜甫瘦作詩嘲飯顆豈知此
老頑解衣磅礴裸心方古人期頤肯諸公夥生前不如
他死後不如我

子才過訪草堂見示近年游天台鴈蕩黃山匡廬

羅浮諸詩流連竟夕喜賦

薄暮君忽至令我喜欲顛與君兩年來書問月幾箋終
不如見面快吐所欲言何期有今夕把酒明燈前當年
驚蛺蝶逸態猶翩翩髭鬚雖已白狂過惡少年醉後起
談鋒巖電目炯然妻孥亦驚咤私矚門隙邊不知是才
子但疑老神仙

趙州年八十打包始行脚君亦近七旬忽思訪名嶽攬
雲黃海深看桃台洞灼旋支廬阜筇復躡羅浮屬攀崖
臂爲猿穿松身化鶴顛趾倘不虞飄飄粉付一落求榮求

初耶爲此童騃樂及歸倒錦囊奇句森歌薄青山千萬
古生面一朝擴始知此老黠重輕早自度好詩拼命換
雖癡固未錯

文人例相輕反脣互瑕尤楊恥王後居邢笑任集偷嘲
杜飯顙山壓李黃鶴樓豈知皆小兒氣矜羣兒咻茫茫
大宇宙聽人各千秋蓋棺論自定睽睽有萬眸劣難強
加膝優難禁出頭所以君與我彌覺意氣投尹邢不避
面翻欲同羅幃君才馭鸞輪我力破浪舟一代詩人內
要是今曹劉

仙霞嶺

地媼不甘卑突起聳天半四山積鐵黑陡削于尺岸何
年通往來綫路入穹漢閩越此局鑰界盡天所判初從
井底升盤旋劣容駟馬蹄石迸火人頽笠雨汙曲磴萬
級梯喬松百尋繖漸蹠罡風顛羣喘作雲渙屹然見雉
堞橫鎖兩崖斷扼隘成絕險石角露精悍信哉形勝地
一夫劍可按古來割據幾往往藉掀扞寶應及審知乘
時劃疆畔翻疑天設險徒爲人長亂不知鴻濛初胡創
此危仄我來值承平途已列闔閉緬惟國初時遺孽

尙潛竄開門有降將省折槍半段

國初取閩郭芝龍早有降意仙霞關不開一兵故大兵得長驅

人強藩繼鳴張欲取浙潮盟老罷當道卧終摧賊矛殺

取道之變李武定兵
泥此間賊遂敗退

事往父老稀時清風景撫重開念勇夫

俯仰 揮翰

寓齋獨坐作

舉世驚榮利退士獨掩闔懷古手一編蕭然冷生活人
謂此老癡此老實最黠衆所競趨處一罅萬夫奪惟茲
文字緣無人問阡陌忝我磅礴遊天馬驟空闊人棄我
所取正是巧貪得待彼榮利盡所就已莫及送者自崖
返同視但塵沒

士有名世才出手爆雷電遠夷爭購詩達官求識面必
待史策傳其傳已有限嗟我生也晚不及見古人但覺

古人遠可望不可親盡力相迫從猶疑隔一塵千人萬人中有我七尺身千年萬年中有我數十春白首自照鏡塌然暗傷神

山行雜詩

我歸江南道應出仙霞關時當兵凱旋喧哄滿市闐乃迢海面北路入千萬山出郭首北嶺陡入霄漢間遙望疑無路猿狖亦難攀豈知所必經一綫縈榛菅昇輿數十人作力股脚彎我成百足蟲蜿蜒上青孱白笑老何苦白首歷此艱

自司僮輿太送我遞郵舍與夫見官僮知從憲府下將

我作奇貨傭直索
同價停肩不肯行
求益恣嚇詐名士
值幾錢竟似將我賣
民轉脅官費此事殊可詫
與夫前致詞使君幸勿訝
平時官股民鎔銖弗肯赦
惟此聊取償稍嘔老饕炙

謝公昔遊山屐換前後齒
我老不能行筇輿代步履
其奈高下間將我簸若秕
上山身仰眠下山手旁抵
老夫忽設計奇智出囊底
輿夫有短長呼來就排比
上則前矮張下則後短李
人地一調劑遂覺平如砥
所慚役人力被肩代我趾

遙山最深處想必無人居
一縷炊烟起乃亦有室廬
始